

教育部審定

高等小學校春季始業

第五冊

教員用

共和國
教科書

新歷史教授法

商務印書館發行

目次

第一	三皇五帝	二
第二	三代之事業	二
第三	春秋戰國時代	二
第四	太古三代之文化	二
第五	秦之帝制	二
第六	西漢之世	二
第七	東漢之世	二
第八	三國之興亡	二
第九	秦漢之文化	二
第十	兩晉之世	二
第十一	南北之分立	二

授課時數

第十二 兩晉南北朝之文化

第十三 隋之統一

第十四 唐之盛世

第十五 唐之衰亡

二 二 二 二

時間分配方法 附

每篇教授二時者、其分配方法、可分三種、(甲)每篇平分二段、每時教授一段、(乙)每篇分二段、第一段較多、第二段較少、第一時教授第一段、第二時教授第二段、并復習全篇、(丙)不分段落、第一時教授、第二時復習、其每篇教授三時以上者、以此類推、(如三時者可分二三段、四時者可分三四段、或竟不分段落、視各篇內容而定)

五六兩册教授法簡例 附

五六兩册用開化史體、自太古訖於民國之開國、書中事實、有爲前四册所已參考者、本册概不複述、惟於開始課內舉例、以括其餘、用者注意、

春季
始業
新歷史教授法第五冊

第一 三皇五帝

本文

我中國自上古時、其人民已不僅一族、在南方者、爲苗族、在北方者、爲獯

鬻族、在東方濱海之區者、爲引弓之民、謂之東夷、在西方山谷之間者、爲荷戈之民、謂之西戎、苗族本中國最古之民族、上古時、其人已知稼穡、立刑法、厥後漢族自西方來、踰崑崙、涉流沙、始居於黃河上游、生殖日繁、於是大河南北、以次爲漢族所有、文化益進、後世稱之曰華夏之民、亦曰華人、我國古史相傳最初之君、曰盤古氏、其次爲三皇、曰天皇氏、地皇氏、人皇氏、但年代荒遠、無可稽考、又次爲有巢氏、教民巢居、燧人氏教民火食、最後爲五帝、即伏羲神農黃帝堯舜、是也、伏羲都陳、今河南淮陽縣治、始有書契之文、嫁娶之儀、網罟犧牲之用、神農都曲阜、今山東曲阜縣、始有農業、商業、醫業、以利民生、黃帝本神農諸侯、與蚩尤戰而戮之、代神農爲天子、北逐獯鬻、都於涿鹿、山名、在今直隸鹿縣、之阿、時天文算術漸昌明、衣冠器用宮室之制漸備、文字亦漸發達、堯都平陽、今山西臨汾縣治、性仁且智、上下悅服、萬方咸

春季
新歷史教授法

第五冊

一

和、後禪位於舜，舜都蒲坂，今山西水任賢去惡，以阜民財，解民慍爲心。後禪位於禹，二帝皆能爲人民服務，勤勞畢生，且皆選賢以自代，故後世稱之。

準備

一 問汝曹於吾國之歷史，自太古時代，至中華民國之成立，不已略知梗概乎？
答曰然。

二 問既讀前項歷史之後，較之未讀以前，於初等國文內所得之古今事實，其比例爲何如，較有統緒乎？答較有統緒，較有興味乎？答較有興味，今有統緒較前益明，興味較前益博之歷史，非汝曹所樂聞乎？

三 汝曹須知前項所讀之歷史，爲史談體之歷史，（因書史談體三字於黑板）何謂史談體？取歷史上之可爲汝曹觀感，可爲汝曹師法及鑒戒者，擇其要而言之，故謂之史談體。

四 汝曹須知史談爲歷史學之初步，更有進步於是者，卽今所授之歷史，今所授之歷史，爲開化史體之歷史，（因書開化史體四字於黑板）何謂開化史體？

開化必有次第，如水之有源而後有流，如木之有根本而後有枝葉，亦取歷史上之可爲汝曹觀感，可爲汝曹師法及鑒戒者，源源本本而言之，見各項事業之進化，故謂之開化史體。

五 今所授之歷史中，有前此已經講授者，汝曹不得以已知而忽之，當卽已知以觸發新知，復卽新知以還證已知，則所得自源源而不絕，汝曹其誌之。

教授事項

(甲) 時間分配 本課分二時

第一時 我中國自上古時至是也

第二時 伏羲都陳至故後世稱之

(乙) 內容提示

一 於各族之流傳自古，見其互相提攜，久爲兄弟，不應復生畛域。

二 於巢燧以前之歷史，見古人草昧經營，不知歷幾何歲年，費幾許心力，始開我國文化之端倪，其功良不可沒。

三 於巢燧以後種種之制作、見古人開物成務、遂使吾人荷無窮之幸福、吾人必能光大此幸福、乃能上無媿乎古人、

參考

〔獯鬻〕即後世之匈奴、人種學稱爲土耳其族、按史記稱匈奴爲夏后氏之裔、乃指其後之酋長而言、見第一册第十四課參考內、

〔夷〕說文、夷東方之人也、從大從弓、弓所持也、

〔戎〕說文、作戎、兵也、兵謂兵器、戈戟之類、從戈從甲、引伸爲戎狄之戎、取其被甲而荷戈也、

〔苗族知稼穡〕苗族爲土著之民、凡穀類初生時均曰苗、苗族之命名、即取義於此、漢族本游牧之民、稼穡等事、皆得之苗民、

〔立刑法〕尙書、苗民弗用靈、爰作五虐之刑、卽肉刑也、漢族沿用之、是爲五刑、墨

（刻其頰而涅之）劓（截人鼻）剕（刖人足）宮（割人陰）辟（死刑）是也、

〔漢族自西方來〕見第一册第一課參考內漢族西來說條、

〔崑崙〕漢族自帕米爾高原東來，始居於崑崙之墟（今新疆青海一帶）後乃踰崑崙而東下。

〔流沙〕今甘肅新疆間之沙漠，其沙隨風流行，故名。

〔黃河上游〕巴顏哈喇山東麓，爲黃河所自出，由青海入甘肅，漢族卽循是河而移植。

〔盤古氏〕五運歷年紀，謂元氣鴻濛，萌芽方始，遂分天地，肇立乾坤，啓感陰陽，分布元氣，乃孕中和，是爲人也，開其始者，卽盤古氏，於是有狀其形爲龍首人身者，有謂天地開闢之後，動植諸物，皆其剏造者，雖傳聞不免失實，而要必爲遠古先民之傑出者也。

〔天皇氏〕兄弟十二人，澹泊無所施爲而俗自化，被跡在崑崙山下。

〔地皇氏〕一姓十一人，興於熊耳（在今河南境，首枕盧氏，尾達澠池，龍門（在今山西河津縣陝西韓城縣間）山，定星辰，分晝夜，以三十日爲月，十一月爲冬至。

〔人皇氏〕兄弟九人、出刑馬山提地之國、(今甘肅天水縣)分長天下、政教君臣所自起、飲食男女所自始、

〔年代荒遠二句〕古有十紀之說、(九頭紀五龍紀攝提紀合雒紀連通紀序命紀修飛紀回提紀禪通紀流訖記)每紀約二十七萬餘年、人皇爲第一紀、(卽九頭紀以兄弟九人也古語質故謂一人爲一頭)其去民國若干年不可考、則人皇以前可知、故曰荒遠、

〔有巢至神農〕神農傳八世、曰帝臨魁、曰帝承、曰帝明、曰帝宜、曰帝來、曰帝裏、曰帝榆罔、餘見第一册第一課參考內、

〔黃帝本神農諸侯〕少典氏爲神農諸侯、黃帝其苗裔也、

〔戰蚩尤〕見第一册第二課參考內、

〔阿〕大陵曰阿、

〔天文算術等〕均見第一册第二課參考內、(以後凡有見於前者不另註以免重複)

〔堯性仁且智〕古史稱堯其仁如天、其智如神、按堯有民飢我飢之等語、（見第一冊）此其仁也、四岳稱子朱啓明、舉共工及鯀、堯皆非之、卒舉舜於側陋、爲天下得人、此其智也、

〔上下悅服〕上指當時貴族言、卽尙書所稱九族既睦、及百姓昭明是、（百姓卽百官也、古時惟有功於國者賜姓、故百姓爲貴族）睦、和也、昭明、言無隔塞也、下指異族人民言、卽尙書所稱黎民於變時雍是、（黎民卽當時苗民於變時雍言能改革其習俗而相與和洽也）

〔萬方咸和〕時諸侯各君其國、各子其民、萬方咸和、卽尙書所稱變和萬邦也、

〔舜任賢〕高陽氏（謂顓頊之後）有才子八人、天下謂之八愷、高辛氏（謂帝嚳之後）有才子八人、天下謂之八元、舜舉八凱使主后土、舉八元使布五教於四方、

〔舜去惡〕帝鴻氏（謂黃帝之後）有不才子曰渾沌、少昊氏有不才子曰窮奇、顓頊氏有不才子曰檮杌、緡雲氏（黃帝之官）有不才子曰饕餮、天下謂之四凶、

春

季

行歷已收卷六

第五冊

四

舜投諸四裔

〔以阜民財解民慍爲心〕舜當作五絃之琴以歌南風其詩曰南風之薰兮可以解吾民之慍兮南風之時兮可以阜吾民之財兮

〔堯舜勤勞畢生〕堯十二載一巡狩周流五嶽存鰥寡賑荒札故民戴之如日月愛之如父母舜五載一巡狩所至望秩山川肆覲羣后協時月正日同律度量衡修五禮年百有十歲猶舉行巡狩事崩於蒼梧（今湖南寧遠縣）〔不貪君位〕堯禪舜舜禪禹均爲國民謀幸福不以君位私子孫

第二 三代之事業

本文

夏商周謂之三代亦曰三王以三代之君皆稱王而不稱帝也三王之首

爲夏王禹先是帝堯時洪水爲患堯使禹之父鯀治之無功舜戮鯀用禹禹在外十三年生子不顧過家不入導川注於海民始安居禹受舜禪都安邑夏今山西分中國爲九州以建寅月爲歲首即陰曆之正月也禹卒國人念其治水之功愛民之德仍立其子爲王於是天子之位復成世襲傳至於桀暴虐無道殺戮豪傑

春

季


所歷已故受去

第五册

五

爲商湯所滅。商湯順民心以除暴主、開革命之局、遂爲天子、都亳。今河南
歸德府以

圖 州 九 禹



始業 新歷史學

商務印書館印行

伊尹爲相、其後盤庚、改國號曰殷、傳至於紂、居朝歌、今河南淇縣東北、作炮烙之刑、殘害諸侯百姓、諸父比干諫、剖視其心、周武王率衆來伐、紂自焚死、武王既滅商、大封功臣同姓爲諸侯、都於鎬、今陝西鎬州、子成王嗣立、年幼、周公攝政、制禮樂、定官職、三代文物、以周爲最盛、傳至穆王、得八駿馬、遨遊海內、樂而忘返、徐偃王者、東夷之長也、行仁義、諸侯歸之、欲代周爲天子、穆王馳歸、使楚人伐徐、偃王走死、其後厲王暴虐、爲國人所逐、周定公召穆公共和行政、旋立其子宣王、周室復興、幽王繼之、寵褒姒、廢王后及太子、王后之父申侯、以犬戎攻周、遂殺幽王、

準備

一 畫禹九州圖於黑板、指示之曰、冀州爲當時國都所在、黃帝之涿鹿、堯之平陽、舜之蒲坂、禹之安邑、紂之朝歌、均在此區域內、其東爲兗州、神農之曲阜、名都也、又東爲青州、青州之南爲徐州、徐州東部濱海、卽引弓之民、東夷所處、徐州南爲揚州、揚州西爲荊州、三苗據焉、荊州之北當中國之中者爲豫州、豫州境內之陳、伏羲所都也、境內之亳、湯所都也、亳西之洛邑、則周之東都也、豫州

之西北爲雍州、周都鎬京在焉、其南爲梁州、雍梁二州之西、則荷戈之民西戎之所憑也、至於獯鬻、當冀州之北、又黃帝兵威之所及焉、

二 問汝曹於五帝之事業、不已略知梗概乎、答曰然、顧事業者、進而不已之性質也、五帝往已、抑知繼五帝而興之事業乎、(因大書三代二字於黑板)

教授事項

(甲) 時間分配 本課分二時

第一時 夏商周謂之三代、至紂自焚死

第二時 武王既滅商、至遂殺幽王

(乙) 內容提示

一 於舜之戮鯀、用禹、及禹爲舜用、導川注海、見兩人均能尊重法律、均能以國利民福爲前提、無絲毫恩怨之芥蒂、

二 於天子之位、復成世襲、見非禹之本心、禹之本心、固以公天下爲心者也、

三 於湯武革命、見其純爲國民、非爲私利、若陰圖私利藉口革命者、卽爲亂黨、

春季

第五冊

六

參考

〔三代〕論語、斯民也、三代之所以直道而行也、孟子、三代之得天下也以仁、所謂三代、均指夏商周而言、

〔三王〕孟子、周公思兼三王、三王、謂夏禹商湯周文武也、

〔帝堯時洪水爲患〕堯時龍門未開、呂梁（山名在今山西離石縣東北）未鑿、河出孟門（亦山名在今山西吉縣西南）之上、江淮流通、無有平原高阜、均滅沒、〔鯀〕顓頊之子、

〔堯使鯀治水無功〕堯求能治水者、四岳舉鯀、堯以其方命（言逆命也）圯族、（言敗類也）卻之、四岳請試之、鯀乃大興徒役、作九仞之城、訖無成功、

〔舜殛鯀〕殛於羽山、（在今江蘇贛榆縣東）天下咸服、

〔用禹〕舜命禹爲司空、使續父業、

〔生子不顧〕辛壬癸甲、（禹生啓之四日也）啓呱呱而泣、禹弗子、（弗以子爲念也）惟荒度土功、（言遠測水土之工程也）

〔過家不入〕凡三過其門而不入、

〔導川注於海〕禹順水之性、導江淮河濟以入海、是爲四瀆、

〔民始安居〕水盛時、汎濫於中國、蛇龍居之、民不得安處、下者爲巢、上者爲營窟、

水土既平、驅蛇龍而放之、菹、(水草叢生之所)卽大澤也、於是民乃得寧宇、

〔分中國爲九州〕黃帝時、畫野分州、原爲九州、至舜改爲十二州、禹有天下、乃復

九州之舊、九州者、卽圖中所載之冀(兼有山西直隸熱河察哈爾及河南北

境奉天遼河以西地)青(兼有山東東北部奉天遼河以東及朝鮮地)兗(兼

有直隸東南山山東北及河南北境地)荆(兼有兩湖廣西及貴州東部廣東

西部地)揚(兼有江西浙江福建及江蘇安徽南部河南湖北廣東一小部)

雍(兼有陝西甘肅綏遠青海)豫(兼有河南及湖北北部安徽山東一小部)徐

(兼有山東南部江蘇北部安徽東北部)梁(兼有四川雲南及貴州西部)是也、

〔以建寅月爲歲首〕寅爲地支內之第三、古代相傳、以爲天開於子、地闢於丑、

生於寅、夏重民時、故以寅爲人正、

春

季新歷史啟受去

第五冊

七